

北洋官報

目錄

宮門抄

奏議◎東督徐奏開辦省城模範監獄摺△又奏歸併各級審判廳摺△又奏籌設撫順地方審判檢察廳摺
 公函◎工務局詳一件△宣化縣稟一件
 文告四則△電報八則△新聞九則
 要件◎四續憲政編查館奏定城鎮鄉地方自治章程
 戊申官報目錄

本 日 增 刊 戊 申 官 報 目 錄 一 頁
 本 局 第 八 十 六 期 法 政 學 報 已 出

宮門抄

正月十一日 蔭歷續假五日 汪榮寶請假十日 內務府奏十四日祭 奉先殿慶麟行禮 召見

軍機 洵貝勒遞封奏一件

奏議錄要

東督徐奏開辦省城模範監獄大概情形摺

奏為開辦省城模範監獄謹陳大概情形恭摺仰祈 聖鑒事竊維監獄與審判二者相因而成未有監獄不良

而審判能獨臻完善者蓋監獄與法庭裁判皆爲刑法機關近世儒者每以監獄之關係爲最重要誠以人類不能無作奸犯科之事 國家貴施以感化遷善之方法庭之裁判足以動一時之觀感而監獄之實行懲戒勸導可以使拘禁之罪犯悔悟自新勉爲良善是以收效極遠立於司法行政之間爲 國家至威至仁之地奉省僻在邊陲睽於文教從前民情之頑梗吏治之因循現雖漸有轉移惟兵燹屢更奸宄滋甚黠者玩法以自逞愚者報復而尋仇命盜之案倍蓰內地以是各屬獄舍重犯填滯牢頭獄卒因緣爲奸今既改良審判自應首先改良監獄雖一時未能普及各屬而省城模範監獄亟宜妥慎開辦以樹規模當經督同提法司使吳鈞謹擬大概辦法爲我 皇上縷晰陳之一監獄分類各國獄制有拘留監有地方監有假留監有集治監係查照囚人之性質犯罪之輕重而嚴其區別當此財力未充之際勢難遽籌浩大之經費分建各種監獄又在法律未改以前亦不能盡棄本國慣例而襲他國制度自應變通辦理將各種囚人分別收拘該監獄約可容罪犯四百餘名就中設有雜居監擬收已決之軍流徒犯監候待質人犯未決刑事輕罪犯設有分房監擬收官犯死罪人犯及其他案情重大之犯設有女監專收已決之重罪女犯並將承德縣原有監房量加修葺改爲假留監可容百餘人專收招解人犯是合各種監獄於一處而於其內區分之爲暫時權宜之計此監獄分類之大概情形也一分課任事囚人之分類既繁則管理愈應周密新監之罪情俱重則組織尤貴完全各國獄制雖不一律大約於典獄官外分三課兩所各課各所之下又分多員以專任之大略文牘會計屬於第一課戒護囚人屬於第二課庶務屬於第三課查天津保定章程係分設書記會計考工看守庶務教誨師醫官等職湖北則分案牘科守衛科工業科及教誨師醫官庶務等名茲擬參酌當地情形分設三課曰文牘課專理文書考績暨保管犯人物品金錢之事曰守衛課專理看守戒護之事曰庶務課管理會計在未置考工專員以前並兼工業之事每課置課長一員又設教誨所醫務所以訓養之每所置所長一員皆爲輔助管獄官之員係變通外國獄制折衷內地辦法酌量裁併如此而後責任乃專職務不紊以求蒞除

往日簡率苛虐之習此分課任事之大概情形也一分別工作不論罪情之輕重一體拘苦不使就事固非政策然不辨囚人之性質概充工作以期收益亦碍刑章各國因刑名之區別定其業役之輕重多與囚人性質不相適合茲設模範監獄除情實死罪人犯官犯尚待質訊者不令作工外其餘人犯由該管獄官擇授工作不以刑名之區別分定工作之種類惟以適於犯人之性質及其他日生計爲主其不便於監獄管理者禁之庶於課業之中仍不失執行刑罰之意如裁縫織布木工印刷編製席帽柳條箱包等項皆爲豫定之藝業俟明春和暖略籌工本即行開辦此分別工作之大概情形也一酌擬懲罰囚犯脫逃之處分舊例甚爲嚴明茲設新監原期力除積弊昭示文明三木械繫暨舊獄相沿之刑具不能不斟酌去留以爲異日收回法權地步近者改良審判廢止刑訊中外觀聽一新刑訊既廢則牢舍之拘繫亦應變通第恐獄員祇避處分酷守舊習將獄務永無廓清之一日謹擬創辦一年之內除實係賄縱囚人查有確據仍照舊例處分外遇有疏防脫逃人犯處分稍予從寬惟該看守部長仍應當其責任如係雜居監人犯則雜居監看守部長及看守人等撤差勒緝其在分房監假留監及工場時亦如之庶足以廣皇仁而肅刑憲此酌定懲罰之大略情形也一酌定員秩監獄事業之發達固因獄制完美尤賴獄吏善良苟得其人雖獄制不甚完全猶可因時補救第非正其品秩不足以勸良吏查外國典獄爲奏任官各課所長有奏任者有判任者即看守亦受判任之待遇上年法部議准修律大臣沈家本改良監獄一摺有獄務人才與司法官吏同一重要官卑不足以彈壓應定各省正管獄官秩五品副管獄官秩六品其餘分任義務及醫官書記等員由督撫量爲增置等語奉省新設模範監獄爲全省之表率現擬遵照奏定官制先設正管獄官一員副管獄官暫從緩設惟各課所長未定品秩仍不足以專責成而重職務擬請酌定課長秩八品所長秩九品均定爲咨補之缺此項獄員必須選曾肄法政監獄學科性行敦善者充任其看守部長以下亦須教練畢業如奉公三年無過准其拔升所長課長及補各屬分監員缺如是則人才感奮而獄事可望日新一籌撥經費獄用不敷難期經久計新設監獄暨歸併承德監宿舍容五百餘人其常年經費分額支活支兩款獄員俸給看守俸給工役薪食等項屬於額支看守服裝囚犯衣糧及雜用等項屬於活支值此財政困難力求撙節計每歲所需亦在二萬金以外然薪俸皆從微薄工業資本尙需另籌查新監成立部定官制既有管獄專官所有奉天府司獄承德興仁兩縣典史皆爲虛

職自應裁撤例定廉俸實銀及役食津貼歲合二千三百餘兩又舊支府縣監獄囚糧倉米禁卒津貼押犯車價等項歲約六千五百兩均應撥歸新監提用其不敷之數歲不過萬餘金已由臣飭令度支司妥爲籌給應請於每屆年終造冊報部准其實用實銷以示體恤而規久遠以上各條爲改良奉省獄務起見略舉要綱以開各屬風氣經臣派委提法司典獄科一等科員日本法政大學專科畢業生揀選知縣蕭仲祁暫兼充正管獄官並刊發奉天省模範監獄本質關防一顆發交該員祇領開辦於十一月初一日起陸續將舊日承德縣監獄管押人犯二百餘名一律提入新監仍飭該司隨時督飭該員切實經理務期圍圉向化咸與維新以仰副 朝廷矜慎庶獄之至意除將各項章程規則咨送法部查核並將建築工程另摺奏報外所有開辦省城模範監獄緣由理合恭摺具陳伏乞

皇上聖鑒飭下法部查核立案施行謹 奏光緒三十四年十二月二十九日奉

旨法部知道欽此

東督徐奏歸併各級審判廳並改擬廳名員缺摺

奏爲歸併奉天府各級審判廳並改擬廳名員缺謹將辦理情形恭摺具陳仰祈 聖鑒事竊奉天開辦各級審判廳暨分別擬補各廳員缺歷經具奏有案復查開辦伊始因省垣附郭原設承德興仁兩首縣未便劃分故設奉天府地方審判一廳初級六廳附設檢察廳按兩首縣轄境分別辦理應管之訴訟自各廳成立試辦年餘成績頗有可觀商民靡不稱便正宜逐漸推廣以冀恢張法權近以興仁縣移駐撫順改爲撫順縣從前歸興仁所轄區域內一切訴訟自應改歸撫順管理已擬於撫順分設審判檢察各廳其初設之奉天府第二初級審判廳在撫順轄境以內亦即劃歸管理而奉天府之第一第三第四第五第六各廳均屬承德區域該縣爲省垣首邑地廣事繁就令五廳分治猶恐不敷特以百度維新需款通大且各通商埠審判廳均未成立尙待擴充自非將初級各廳酌量裁併不足以節經費而規久遠當飭提法司使吳鈞妥慎籌畫督同高等審判廳廳丞許世英署高等檢察廳檢察長汪守珍詳細調查總以民不失便宜官亦節款爲要茲據該司覆稱除第一初級審判廳專收審省城之該管案件無庸歸併仍改名爲承德第一初級審判廳其餘四廳所轄屯堡之多且密以第四爲最第三次之第六第五又次之案件之繁且難則第四第六相等第三次之第五又次之度形勢之異宜按戶口之多寡應將第三第六併爲一

廳改名承德第二初級審判廳第四第五併爲一廳改名承德第三初級審判廳各檢察廳附之至省城原設之奉天府地方審判檢察廳亦應改名承德地方審判檢察廳不用府廳州縣字樣一爲將來推廣時兩縣合設一廳之計畫一爲與行政部分有所區別惟是廳名既已變更斯官稱亦應改易所有原署奉天府地方審判廳推事長蕭文華原補推事孫長青袁晟倪泰汪超典簿羅鴻賓主簿許維瑜沈啓賢及原補奉天府地方檢察廳檢察長廖世經檢察官蕭晉榮各缺均應改爲承德地方審判檢察廳各缺原補奉天府第一初級審判廳推事杜錫麟檢察官李仙根應改爲承德第一初級審判廳推事檢察官其原補奉天府第六初級審判廳推事顏文海應改爲承德第二初級審判廳推事原補奉天府第四初級審判廳推事姜可欽應改爲承德第三初級審判廳推事以期名實相符至各初級檢察廳推事原補奉天府第四初級審判廳推事姜可欽應改爲承德第三初級審判廳推事以不得不爲一時權宜之計現在既圖歸併規定務在周詳允宜權限劃清以謀完全之獨立應請遴派妥員專司檢察事務等情前來臣覆加考核規畫既宜名實亦副應如所擬辦理除將撫順地方初級各廳開辦情形另行具摺奏報並將併廳改名辦法咨行法部備案外所有歸併奉天府各初級審判檢察廳並請改廳各員缺各緣由理合恭摺具陳伏乞

皇上聖鑒謹奏光緒三十四年十二月二十九日奉 旨法部知道欽此

東督徐奏籌設撫順地方審判檢察廳摺

奏爲籌設撫順地方審判檢察廳謹將開辦情形恭摺具陳仰祈 聖鑒事竊臣上年具 奏奉天省開辦高等審判檢察廳及設奉天府地方初級各廳接收承德興仁兩首縣民刑訴訟而奉天各州縣試辦之光聲卽爲行政司法區分之創始嗣以興仁移駐撫順改興仁縣爲撫順縣並將 興京廳迤西窩遠之地劃歸管轄特設民官行政既具規模司法亦宜布置第撫順商旅增益且去該縣八里之千金寨地方煤礦利源日見增擴若將民刑案件仍隸於原設之奉天府地方審判廳管理微特管轄難週人民失便卽按之慎重法權講求交涉之道亦覺非宜迭飭提法司使吳鈞詳細通籌督同高等審判廳應承許世英署高等檢察廳檢察長汪守珍調查集議據該司覆稱查撫順縣所轄地方遼闊而戶口之煩多商旅之發達道途之便利形勢之適宜以千金寨爲最撫順應設之地方

審判檢察廳宜在該處建立惟時值沍寒不能興作而一切詞訟又急待管理擬在距撫順十二里之塔峪地方租賃民房先行開辦撫順地方審判廳檢察廳附之該處原設有奉天府第二初級審判檢察廳現既劃歸撫順界內即作為撫順第一初級審判檢察廳暫設一廳如將來實係事煩再行酌量加增所有各廳員缺擬由高等及奉天地方兩廳內撥員派署以資熟手而節經費原補之奉天府第二初級審判廳推事方瑛應改補撫順第一初級審判廳推事俾副名實各等情先後呈請前來臣復加查核尙屬周妥當經批准照辦並派高等審判廳庭長法部主事程繼元署理撫順地方審判廳推事長奉天府地方檢察廳檢察官蕭晉榮試署撫順地方檢察廳檢察長其餘各員均由該司於高等地方兩廳人員內分別撥委於十二月初一日開辦臣自當暫飭該司隨時考查該員等如果始終勤奮克盡厥職再由臣開單出考咨行法部分別 奏咨補授以昭慎重除咨法部備案外所有籌設撫順地方審判檢察廳開辦緣由理合恭摺具陳伏乞 皇上聖鑒訓示謹 奏光緒三十四年十二月二十九日奉 旨法部知道欽此

公牘錄要

直隸工藝局詳各工場製品出境遵納正稅請估價減成核收文並批

為詳請事案照光緒三十四年五月二十四日奉 憲台札開光緒三十四年五月初十日准 度支部咨開直隸工藝局機器仿造洋式貨物例應遵章於第一口完納正稅不應發給免稅護照嗣後遇有運到貨物驗明與運照相符始予免稅放行如無前項運照僅領有該局護照者概應照章徵稅以符定章咨行轉飭遵照等因到本署督部堂准此查前准 稅務大臣議覆該局所請運銷布疋免納稅捐碍難照准業經行局遵照在案茲准前因合行札飭札到該局即便遵照辦理計粘抄咨等因奉此當經轉行勸工陳列所并各工場一體查照辦理茲於十二月初五日據實習工場管理員朱壽祺陳列所管理員曹爾昌等稟稱奉憲局札飭照章於經過第一關完納正稅一道沿途關卡概免重徵等因奉此遵即傳知售品所及各工場一體遵辦去後茲據售品總所經理各工場場長約同職等再四集議僉以各場仿造洋式各貨係屬創舉且查各場所設各科無非織布造胰及製燧等事所需各種機器及原料必須購自外洋以資應用其原料價減成本即因之而廉查近年來各場織布所用原料如各種棉紗

造屨所用原料如燒碱爆花城製燧所用原料如各種藥水藥料等所有價值較之往年幾漲兩倍以致所有出品售價自不能從廉而銷場亦遂形壅滯現在關稅一節既奉憲札飭令照章於經過第一關完納一道沿途關卡概免重徵自應遵照辦理惟各工場刻下存貨太多積壓成本甚鉅一時實難周轉現在各工場直有將所製各貨不計成本盈虧希圖減價售出以濟目前之急者似此情形殊非持久之道卑職等上念憲局提倡工商保護維持之盛意下顧各工場執事人不避艱危力求精進之熱心數年來甫見生機詎忍坐視其閉歇而不問卑職等公同酌議擬將各工場公司凡蒙憲局註冊立案保護者其所製物品統按機器仿造洋貨辦法照值百抽五稅章於第一關完納正稅一道領取運單沿途關卡驗單放行惟查稅關遇貨估價往往有多寡之不同誠恐各工場公司售出貨品每逢納稅估價時不免饒舌與其臨時紛擾易滋留難之弊何若預先酌定劃一章程以期兩無妨碍茲將各工場公司所製各項物品之原訂價銀數目繕具清摺一扣懇請憲台俯賜轉稟 督憲札飭津海關道轉知新鈔兩關此後遇有各工場公司製造各品轉運出境必須執有售品總所發給憑單前往新鈔各關納稅換照再由新鈔各關按照摺開原價照估徵收正稅一道並統按八扣核收發給運單以利過行似此辦法庶於變通之中尙寓保護維持之意等情前來據此職道等伏查直隸工藝正在萌芽時代所有職局創辦及勸立各工場曾經註冊者詳奉 升任督憲袁批准發給免稅護照以紓困難方恃此一線生機以爲維持之計嗣奉部章停發免稅護照因之困難情形較前爲甚惟念稅章既應完納而工藝亦宜振興兩者原屬互相維繫今查該場復稟因貨物之滯銷而慮及稅關之留難又因稅關之留難而先定價值之劃一是納稅既可按摺以徵收無煩饒舌而運貨亦以驗單爲便利自廣來源於兩無妨碍之中而籌兩得平便之法似此辦理按之稅章既不甚悖貨價亦可持平實爲暢銷貨物有益稅章起見既據各場所管理員再三懇懇未便壅於上聞擬懇 憲台俯念直隸工藝甫著成效賜准按摺納稅量予減輕以期保護工業完納稅則兩得其便又查此次陳請持平估價預爲立案係就職局創辦各工場及勸辦各民立工場而言統按各該場全年所納之稅本屬無多前此全數邀免尙於稅額無碍現既遵章完納惟懇將估價減輕於體卹之中仍寓限制之意實屬計不得已可否 恩准飭下津海關道轉飭各關卡一律遵照所有職局懇請將各工場納稅估價按摺減輕緣由理合繕摺具文詳請 憲台核奪批示祇遵實爲公便爲此備

由具詳伏乞 照詳施行須至詳者

謹將各工場公司所製物品原值價銀數目繕摺呈 鑒 計開 二十碼愛國布每疋值價銀一兩三錢 五碼小疋愛國布每疋值價銀三錢二分五釐 手巾每打值價銀三錢 香皂每打值價銀一錢五分 洗衣胰皂（四十磅至五十磅）每箱值價銀一兩 二百四十包小箱火柴每箱值價銀三兩 七百二十包大箱火柴每箱值價銀九兩

督憲楊 批詳摺均悉該局創辦各工場及勸辦民立各工場製造物品成本甚鉅難以暢銷擬請統按機器仿造洋貨辦法照值百抽五稅章於第一關完納正稅一道照摺開原價估徵八扣核收發給運單沿途關卡驗單放行自爲郵商惠工起見惟稅關 國課應否照准之處候行津海關道核議詳覆飭遵此繳

宣化縣胡商彙稟籌辦自治學社文並批

敬稟者竊卑職迭奉 憲飭設立自治學社并頒發通行章程飭辦各在案聞命之下欽服莫名伏維世界大通民政日繁非官府集權不足以收畫一整齊之效非地方自治不足以展身臂指使之能方今海外列強自治之基日益鞏固是以領土雖廣而政學畢張帝號更新而安堵如故者皆自治能力有以補官府之缺矣我國官若傳舍民弗議政雖有丞尉沿階徹制不用本郡雖有里正率由舊章僅供徭役而族師比長之典齋夫三老之設周漢以還幾成絕調勿怪百事廢弛而民政日墜矣迺者自治新聲震鐸海隅然學理不明動以權限範圍之大小積成官紳冰炭之原因自治權限各國不同而要以人民程度爲標準以國家法律爲依據撮其大要如軍政外交裁判警察屬於官治者居多營業交通衛生教育屬於自治者居多卑縣民風樸固尙無大弊但灼知自治原理者百不一觀雖歷經前任竭力提倡然以新政太多款無所措卒以中止查卑縣稅契爲國課大宗歷任寬大隱漏減寫者所在皆是卑職接篆竭力整頓凡仍蹈前弊者悉遵稅契章程擇尤酌罰一二以示懲儆數月以來稅課旺驟所得罰鍰除照常犒賞外提充自治學社經費如有不敷仍由卑職捐墊計自七月初一日開社至今已四閱月共選入社學員四十名均能依據學理謹守範圍一切辦法恪遵憲台飭發通行章程辦理現因調查選舉資格及彙造選舉人名册各事宜無人承役暫行分遣城鄉承乏一切俾收實地練習之益以立知行並進之基一俟選舉名册造畢仍

飭接續授課以竟前修但卑職驟將瓜代年假在即有志未竟之緒正復不少應如何擴充整飭全恃後任之不分畛域始克有濟耳所有籌辦宣化自治學社各情形理合稟請大帥查核立案批示祇遵肅稟恭請 鈞安

督憲楊 批如稟立案仰自治總局查照飭知繳

文告錄要

督憲批示錄要○平泉州貢生李春榮等稟請咨熟河飭辦自治學社由 批據稟已悉候咨 熟河都統查核辦理抄由批發○香河縣汪令炳稟選送講習員由 批據稟已悉仰諮議局籌辦處查照飭知繳○安肅縣李令

綺青稟設統計處由 批據稟已悉仰調查局查照飭知仍飭認真經理此繳

學台批示○直隸師範東文專科學生汪守珏等聯名稟請援賓與例發給川資等情 批查各省學生放假回籍向無發給川資之案所請碍難照准○唐山縣高小教員雞澤葉樹維稟稱教育得人未便更換請即收回成命等情 批教員業經派定未便中易所請收回成命之處著不准行

保定籌款總局批示○具稟安州酒商天泉永 批稟悉仰候札飭保定分局核議具覆候奪此批

附錄天津官事○初十日午後四點鐘 督憲出轅回拜 津浦鐵路督辦呂大臣海寰 幫辦孫大臣寶琦○同日勞京堂乃宣赴 院拜會○督院文巡捕明恩奉 督憲札委仍代監印差使○又委山東候補知州李刺史

先榮 督院文巡捕差使

電報錄要

路透電○義大利王后馬克蘇利達氏不日即啓程往日本遊歷并攜帶電車

又電○英京教士與蘇格蘭教會會長現將議訂辦法簽字擬當上海萬國禁煙會開議時舉行特別祈禱會以便使中國煙害盡絕

又電○土京電據最實之消息云布加利亞政府現在議定辦法謂土國賠償東方鐵路之款決不能逾八十二兆佛郎否則布國必嚴詞駁拒又謂現布國與土國所議各件土國如再遲延布國仍擬自行預備一切云

柏林電○土耳其政府函致列強將邊界問題(指奧國聯合包希兩處)之賠款減為一百兆佛郎并將布國佔據東方鐵路賠款減為五十兆鎊土皇并諭令將布國邊界之防軍撤退聞布國現在宣布若如此辦理近東政界

必能保守和平云

又電○奧國駐俄全權公使比士圖洛德伯爵現由奧京啓程經過柏林赴任

又電○俄國前任駐德全權公使尼古拉斯親王現在補授駐義全權公使

又電○比利時國儲君遊歷剛果一事現在作罷

又電○南美委尼瑞拉國前任總統喀斯羅氏聲稱擬在歐洲隱居以度晚年

新政紀聞

政治

奏陳陵工事宜○慶親王奏

善陀峪

定東陵工程用過錢糧數目奏銷摺單各一件已奉

旨

依議又片奏本工所餘六分平餘銀兩繳還度支部已奉

旨知道了又片奏本工出力人員可否獎叙等語

已奉旨著准其分別保獎矣

諭飭迅速修理陵工○正月初十日洵貝勒奏查勘

西陵梁格莊行宮工程情形繪圖呈覽一摺已奉

旨著迅速開工妥慎修理矣

電催咨覆刑律事宜○正月初六日憲政編查館發各省督撫暨熱河都統電云光緒三十三年九月初五日日本館

議覆修訂法律辦法原奏內稱各項法典先編草案奏交本館由本館分咨在京各部堂在外各省督撫酌立年

限討論參考分別簽註咨覆本館彙擇又上年奏定憲法大綱逐年籌備事宜本年核訂新刑律草案以備明年

頒布等因查修訂法律大臣先後奏進刑律總則分則草案當經本館於三十三年九月及十二月先後咨送各

省簽註並各聲明於文到六個月咨覆本館在案迄今事隔年餘依限送館者僅有數省其餘各省或尚未咨覆

或咨請展限或僅送總則未送分則爲日已久急需核辦事關籌備年限勢難再延希即從速簽註送館以便彙

齊修訂是爲至要

學務

考選簡字師範生○江甯提學使陳子礪方伯奉江督端午帥札飭招考簡字師範生咨送廣西充當教員業經於

去臘在署考試經義譯文拚音等門由陳方伯親加校閱計正取六人備取四人現已榜示揭曉飭令將文憑呈驗以便發給川資咨送赴桂

札飭整頓學堂規則○魯省虛提學飭膠高實業學堂整頓堂規札云膠高實業學堂自上年七月間改革以來經該令會同教員管理員認真整頓學生頗知嚮學現本署司訪聞該堂學生間有業懈專修心懷躁進索取用品動輒要求甚至潛毀器皿乞給川資種種無理之舉貽實潔身自愛者所不爲當知國家設立學校乃鎔才造士之場非養欲給求之地官費學生受公家培植較爲優渥尤應砥礪虛隅愛惜人格滌除齷齪卑陋之見茲當承學之初須先補習普通學問豫科本科定章皆有一定年限若果有秀出之士程度確能相符者選提升進歩何患遲緩惟不得以無本之學復中欲速之弊爲此札飭該令會同高密縣王令暨各教員管理員等務將此意明白宣諭該學生等知悉其服從教令勤奮用功者面加獎勵倘有自甘暴棄再敢藉詞要挾仰查明倡首之學生立予斥革並照章追繳學費如抗不遵辦結黨告退卽全體解散亦所不恤學規攸關功令具在斷不可滋長囂張之惡習致敗壞教育前途

財政

購煙牌照捐之辦法○湖北善後局督辦藩司李方伯總辦巡警道金觀察以上藥稅驟減財政愈形困難惟有舉辦購煙牌照捐藉資抵補當會商禁煙公所司道擬由禁煙公所遵章印製購煙牌照凡吸煙者無論男女何項人等均須領照以爲購買土膏之據限定每三個月更換一次並遵現定推廣辦法飭令土膏各店於賣煙時驗明牌照每土一兩向購者捐錢四十文每膏一兩向購者捐錢六十文一面酌定詳細章程俾資稽核所有武漢三鎮人煙稠密責成禁煙公所會同巡警道經理其事此外宜昌府城江陵之沙市廣濟之武穴沔陽之新堤天門之岳家口荊門州之沙洋襄陽之樊城光化之老河口等處再行酌派委員會同地方官籌辦至所收牌照捐錢應定期彙繳由禁煙公所核解善後局收儲以抵補賠款之不足並酌撥辦理禁煙及津貼警局各項經費之用其餘各廳州縣統由地方官征收解局准其中酌提二成作爲該縣辦公經費再留一成作爲地方辦理禁煙之資按季造報禁煙公所查核另刊各土膏店營業憑照其應繳照費均遵部定章程按照成本分上中下三則

一萬元以上者爲上則每年繳照費六元五千元以上者爲中則每年繳照費四元成本不及五千元者爲下則每年繳照費二元此外毫不加增查有不領照而私自開設者應即從重罰辦並將照費酌量加重以示懲儆已稟奉陳筱帥批准奏咨立案

札飭清查釐局收數○鄂督陳筱帥以鄂省各釐局收數均係按季造報咨部備核現查有武穴富池口兩釐局年久延不具報殊違定章特飭牙釐總局轉飭該兩局將歷年收數澈底清查造報以憑彙案報部查核

實業

棲流所試辦工藝○江蘇松江府札上海縣文云奉藩憲瑞批該縣滬北棲流所職董陸文麗瞿慶喜等稟滬北棲流所試辦工藝廠賬略並現行章程由奉批據送各册存查仰松江府轉飭該董等認真經理總期逐漸擴充等因到府奉此查此稟未據並呈無憑查核奉批前因合亟札飭札到該縣即便轉飭該董等認真經理總期逐漸擴充毋稍懈怠仍將收支各款按年造報以昭核實並飭將賬略章程送府查核毋稍違延

出示招領桑秧○江蘇鎮江紳士鮑濬卿前奉府憲札委總理樹藝局事務開辦以來頗有成效近屆鄉民具領桑秧之期爰稟由府尊承太守出示招領栽種聞定價極廉以期推廣

要件

章程類

憲政編查館奏定城鎮鄉地方自治章程（四續）

第三節 會議

第七十三條 城鎮董事會每月舉行職員會議一次 每屆會議董事會文牘員應將本屆應議事件距開會五日以前通知各職員

第七十四條 會議時以總董爲議長 總董如有事故按照第六十三條以其代理者爲議長

第七十五條 會議時非董事會職員全數三分之二以上到會不得議決 議決方法照第四十六條辦理 會議時辦事員就該管事務亦得到會與議

第七十六條 會議時議事會議長副議長議員得到會陳述所見但不列議決之數

第七十七條 會議事件有關係董事會職員本身或其父母兄弟妻子者該員不得與議 總董如有前項事由

照第七十四條第二項辦理董事名譽董事全數三分之二以上有前項事由因而不能議決者將該件移交本城鎮議事會代為議決

第七十八條 凡議決事件應隨時報告議事會並呈報地方官存案

第四章 鄉董

第一節 員額及任期

第七十九條 各鄉設鄉董一名鄉佐一名以本鄉選民由該鄉議事會選舉呈請該管地方官核准任用之

第八十條 鄉董鄉佐不得同時兼任該鄉議事會議員若有由議員當選者照第六十二條第一項辦理 父子

兄弟不得同時為鄉董鄉佐若同時當選者照第二十五條第三項辦理

第八十一條 鄉董鄉佐以二年為任期任滿改選再被選者均得連任

第八十二條 鄉董鄉佐均支領薪水其數日以規約定之

第八十三條 鄉董如有事故以鄉佐代理

第八十四條 鄉董鄉佐因事出缺均即補選

第八十五條 各鄉因執行各事有應設各項辦事員時由鄉董遴選派充不限以選民但須經鄉議事會之公認

其細則以規約定之

第八十六條 鄉董得設文牘庶務等員其員額薪水以規約定之 文牘庶務員不限以選民由鄉董遴選派充

或按地方情形即以該議事會文牘庶務員兼充之

第二節 職任權限

第八十七條 鄉董職任權限照第六十八條第一至第三款及第六十九條辦理

第八十八條 鄉董就應辦各事定執行方法

第八十九條 鄉佐及辦事員輔佐鄉董辦理各事

第五章 自治經費

第一節 類別

第九十條 城鎮鄉自治經費以左列各款充之

一 本地方公款公產

二 本地方公益捐

三 按照自治規約所科之罰金

第九十一條 前條公款公產以向歸本地方紳董管理者爲限 其城鎮鄉地方向無前項所指公款公產或其

數寡少不敷用者得由議事會指定本地方關係自治事宜之款項產業呈請地方官核准撥充

第九十二條 公益捐分爲二種如左 一 附捐 二 特捐 就官府徵收之捐稅附加若干作爲公益捐者

爲附捐於官府所徵捐稅之外另定種類名目徵收者爲特捐 前項附捐數目不得過原徵捐稅定數十分之

一 凡以勞力或物品供給辦理自治事宜之需用者得計其相當價值以特捐論

第九十三條 公益捐之創辦由議事會擬具章程呈請地方官核准遵行嗣後如有應行變更廢止之處亦由議

事會條議呈請地方官核准

第二節 管理及徵收

第九十四條 自治經費由議事會議決管理方法由城鎮董事會或鄉董管理之

第九十五條 公款公產之內有係私家捐助當時指定作爲辦理某事之用者不得移作他用其指定辦理之事

業以律例章程變更廢止者不在此限

第九十六條 附捐由該管官吏按章徵收彙交城鎮董事會或鄉董收管特捐由城鎮董事會或鄉董呈請該管

地方官出示曉諭交該董事會或鄉董自行按章徵收

第九十七條 凡於本城鎮鄉內有不動產或營業者即本人不在本地方居住亦一律徵收公益捐(仍未完)

順天府奏查禁架空錢票詳定章程摺

二十九日

度支部尙書載奏遵 旨荐舉人才摺

署東撫吳奏保荐人才摺

豫撫林奏遵 旨荐舉人才摺

又奏保荐直隸州牧洪壽彭等片

四月初一日

學部奏酌擬游學畢業生 廷試事宜摺

又奏薦舉人才摺

署東撫吳等奏遵 旨會籌旗民生計摺

署東撫吳奏設立調查局片

初二日

學部奏京師大學堂教員管理員照章請給獎勵摺

護川督趙奏請以高增爵補建昌道摺

晉撫寶奏晉省財力奇絀籌補爲難摺

初三日

學部奏京師大學堂法政學堂日本教員五年期滿請

賞給寶星摺

農工商部侍郎楊奏核議暹羅訂約通使事宜摺

又奏請設西貢河內爪哇領事片

初四日

吏部奏擬變通翰林院升補員缺辦法摺

署直督楊奏揀員調補保定府知府摺

江督端奏選用道嚴復請 賞給進士出身摺

給事中王金鎔奏請申禁北省商家買空賣空摺

初五日

署直督楊奏道員謝鑑禮給咨送引片

又奏道員陶式鋈保案改獎片

江督端奏大員捐輸鉅款請移獎摺

江督端等奏江北練餉短絀籌協俱窮請

撥的款摺

新撫聯奏創設工藝局廠摺

又奏擬在溫宿府另設習藝所片

初七日

欽差查辦事件大臣鹿等奏查明墾務大臣被參各款

摺

初八日

農工商部會奏遵擬畫一度量衡制度圖說總表及推

行章程摺

初九日

農工商部奏籌擬京師自來水公司大概辦法摺

初十日

總理禁烟事務大臣奏遵 旨開辦禁烟事務並請

刊用關防摺

又奏委陸鍾岱等充提調差使片

皖撫馮奏遵籌皖北水利酌擬辦法摺

又奏署直督楊懌捐鉅款請移獎片

十一日

東督徐等奏保荐人材摺

代理贛臬慶奏條陳官膏辦法摺

十二日

瀛貝勒等奏創辦清漢蒙養學堂大概情形摺

又奏創辦清漢學堂參訂課程片

鄂督趙奏儒臣盡瘁遺愛在人懇 恩優恤並

宣付史館摺

十三日

鄂督趙奏籌設兩湖高等礦業學堂摺

護川督趙奏高等學堂優級師範生畢業請獎摺

又奏請將戒烟局併入警察局片

又奏請在內地各省選調人員歸邊務差遣片

十四日

署直督楊奏吳鏡孫遵遺命捐助學費請建坊片

東督徐等奏查明巡警局等被參各節摺

十五日

民政部奏接收禮部移交事項酌擬劃分暨用款辦法

摺

又奏添設營繕司員外郎主事各二缺片

度支部等奏議覆廣東錢局出力人員請照原案給獎

摺

十六日

憲政編查館奏酌擬編輯政要體例摺

閩督松奏閩省蒼霞精舍改設中學堂摺

桂撫張奏續保人才摺

十七日

憲政編查館奏考核違警律摺

度支部奏勘擇地基設立財政學堂片

又奏請於大清銀行內附設儲蓄銀行分別辦理片

署直隸總督楊奏揀員調補要缺知縣摺

十八日

署直督楊奏已故提督李長樂次孫守謙應如何

施恩片

鄂督趙奏推廣農業種棉織布情形摺

粵督張奏編練新軍勸集鹽商報効的款片

十九日

胃疾者鑒○鎮海范崑卿先生自述胃氣及頭痛之症為韋廉士大醫生紅色補丸所醫治 胃部不正則失其消化之功而全體漸致受累百病因之叢生矣即如 頭風疼痛 胃脘漲悶 大便閉結 飲食無味 頭目暈眩 夜不成寐 身體柔弱 四肢乏力等症皆由胃部失調所致也○每有人因受胃弱之苦而欲以瀉藥治之此誠愚拙無用之法也蓋瀉藥雖能稍愈於一時究不能全愈其終身現多用瀉藥傷損元神削伐臟腑轉使一切消

調胃止痛健身良藥



化之部皆為軟弱○故最要之藥必須先調其胃使胃有新力能去其羸弱之阻礙又須滋補其血使血潔淨有力更生新血以健肌膚如此則全身消化部之筋絡自必活潑有力矣韋廉士大醫生紅色補丸為清補之聖藥久已名馳大陸其治胃不消化 肝經各病 胃汁不和 頭暈頭痛 胃口失調以及各種由胃而生之症莫不捷於影響試觀密波鎮海縣監理會牧師范崑卿先生自述其情形可使中國同病之人咸知是丸之益焉茲將其保證書錄後云○余四年前曾患胃氣頭痛之症睡不安寧脾胃虛弱消化之功甚劣雖食物少許亦必翻胃每發時甚為痛苦夜間常有數句鐘之久不能成寐自覺體弱無力面色發黃頭痛難忍余為此疾傳道之時時時停止未能盡職理綿數載醫藥罔效後承友人指示韋廉士大醫生紅色補丸之功效遂立意試服遂及兩瓶即覺大有喜色至第三瓶則宿疾全消痛苦皆止身亦不覺軟弱從此睡夢安甯食量增進消化之功亦佳面容光澤轉色矣余疾之瘳可謂獨賴韋廉士大醫生紅色補丸之功也請登諸報以為世告○韋廉士大醫生紅色補丸醫治數千萬如范君之病外而

已名馳環球為天下公認之聖藥可治 風濕骨痛 腎肉酸痛 背骨疼痛 筋絡刺痛 胸膈飽悶 氣血兩虧 諸虛百損 少年貧老 陽痿不舉 左癱右瘓 腳氣衝心 山林瘴氣 瘡疥斑疹 皮膚諸症以及少壯婦女月信不調經來腹痛等症實為濟世之良劑也 中國各處藥局商店均有代售或直向上海九江路B字第八號 韋廉士醫生藥局中國總發行處購買亦可 價銀每六樽大洋八元 每一樽大洋一元五角 遠近郵費一律不取

本日 田村洋行

本行開設天津日本租界溜米廠專辦東洋軋花彈花紡線織布能織寬窄粗細各樣洋布如有貴商賜顧者來本行面議將價定準本行特請洋教習管保教通在本行學習食用外邊自便住房分文不取 電話二百三十號 本行謹啓

日本最近政學調查記廣告

近來游歷日本冠蓋相望日記一書浩如煙海求其見聞確實鈎玄纂要者每不多覩膠州逢

馥齋觀察承項城袁樞相之命赴東攷察政治游歷匝年於政治議會察裁判

監獄軍事學務農林漁業鐵道銀行無不各有心得洞見源流是以載筆成書原原

本本網羅無遺復經日本大隈伯爵高田博士贈以序文推其典麗翔實得未曾有自

嘉應黃氏之日本國志德清傅氏之日本圖經外得此而二久為各當道稱許現當

預備立憲時代有欲研究政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大書坊

定價大洋一元四角

得利寶

本行開設天津上海香港志呢華海參歲等處均設有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商凡願者請移玉紫竹林法租界本行面議可也本行主人啟

本行主人啟

瑞林祥元記

本號開設北京前門外鮮魚口（天津估衣街中間路北）（山東濟南府院西路北）等處自置綢緞洋貨顧繡粧蟒花素貢絨粧緞各色抖蓬哈叻厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸

瑞林祥元記具

啓者新洋灰有限公司廣告



啓者本公司係承受唐山洋灰公司創設新廠歸併舊有之考廠擴充辦理改
 名啓新洋灰有限公司稟奉北洋升督憲袁咨准農工商部註冊案上
 年購外洋最新式機器全副去臘業已開機所出之灰足敷王顧購用尚有製造
 考驗洋灰力俱高外洋之貨目機器加入灰足敷王顧購用尚有製造
 之缸磚洋灰五永購管矸子土等項無論躉零交易均可本公司總理處設在
 天津海人道英租署先農公司對面並於北京烟台上海漢口等埠均設分處
 藉擴招徠如蒙公司購交貨無不從速至價廉貨高久爲中外紳商所信用
 不待贅述所有不公司種磚瓦等件尺寸重量式樣及大概用法另刊華
 洋廣告光願諸君清向本公司索閱價值一切亦可接洽也
 得待風一千三百九號

武齋洋行

本行開設天津 於茲二十餘年 自運各種洋貨 絨紗布匹調緞 編化屏風鏡額
 磁銅料器瑛藍 奇巧美術玩器 日用雜貨俱全 學界文房用品 旋行携帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙 官仕紳商推許奏譽遠近周知茲因 北洋
 官醫局之聘除星期外每日早十點鐘起至午十二點鐘在官醫局視病其餘時刻仍在本院候診茲將改訂時刻
 開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘出
 診惟星期則整日在院 二凡遇有重要病症除往官醫局時刻外隨時皆可出診不拘時限或有應割割病症隨
 時來院均可註治 三本醫出診除應收醫金外概不多取如有車夫索費等弊請即告知本院斥辦 四凡來病
 院取藥者無論何時皆可配給 五本醫院備有潔淨養症室上等三回次等五間三等五間看護周到飲食一切
 或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

欲為諮議局議員者鑒

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元 法制經濟通論二元 政法理財科講義五角 日本法制要旨一元 日本明治法制史五角 政治講義五角 法律經濟辭典 紙面五角 法規大全解字四角

◎憲法書 政治學及比較憲法論二元 憲法研究書一元 憲政論四分 日本憲法義解三元 本預備立憲過去事實五分 立憲國民讀本三角 日本議會法規四角 議會政黨論五角 十六國議院典例一元 日本議員必攜八角 日本憲法義解三元 日本憲法義解三元

◎地方自治書 自治論七角 歐洲大陸市政論一元 地方自治財政論五角 地方自治淺說三元 此外政法書 之九重要者 法律 則有日本法規大全 二册 日本六法全書五角 比較國法學七角 國法學一元 行政法各論一元 民法原論二元

◎政治 有則列國政要三十二册 政治學一元 那特徑政治學四角 政治汎論一元二角 萬國國力比較二元五角 嚴復社會通詮一元 嚴復羣學肆言一元 嚴復羣己權界論八角 財政 有則經濟通論七角 理財新義五分 英國度支考四角 國債論三角 計學教科書一元 理財學講義四角 計學淺訓二角 教育 有則日本明治學制沿革

史五元 歐美教育實際二元 德國學校制度四角 警察 有則警察講義錄十五元 雖卷帙較繁 議員苟有餘力而兼治之 則受益無窮矣 尚有諮議局章程箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大胡同電話)

五百二十六號)

天津商務印書館廣告